

In casu de aundamentu

(Sos cussigios de sa protetzione tzivile)

Ite fàghere in antis (preallarme):

- 1) Si bi tenes cosa in logos chi si podent aundare, pone-la in su seguru (faghe-lu ebbia si non b'at perigulu);
- 2) Assegura-ti chi sas categorias "a rischio" (betzos, malàidos, gente chi bivet isolada) siant avisadas;
- 3) Prepara s'atretzadura de emergèntzia (abbàida a pàgina 2 pro bìdere ite bi pònnerre).

Cando s'emergèntzia est comintzende

Si ses in domo:

- 1) Serra gas, riscaldamentu e lughe (ista atentu a non toccare s'elètricu cun manos o pees infustos);
- 2) Àrtzia a sos pranos de subra;
- 3) NON CALES a magasinis o garages;
- 4) NON CHIRCHES de sarvare màchina o mezos agrìculos, ca ti nche podet tirare su trulu;
- 5) NON BUFES ABBA dae sos rubinetos de domo ca podet èssere incuinada.

Si ses in fora:

- 1) Èvita de leare sa màchina;
- 2) Non ti firmes in suta de àrbores isoladas o in subra de pontes;
- 3) Telèfona in casu de bisòngiu ebbia, pro non carrigare sas linias.

Si ses in màchina:

- 1) Chirca-ti reparu in su logu prus a curtzu e prus seguru;
- 2) Si b'at currentes de abba, lassa sa màchina e àrtzia a logos artos;
- 3) Non passes a curtzu de rios o canales;
- 4) Ista atentu a sos suta-passàgios, ca s'aundant in presse.



In casu de aundamentu

(Sos cussigios de sa protetzione tzivile)

In casu de bisòngiu, mègius a s'aprontare pagas cosas chi agiudent a superare sas fases críticas

Ite pònnere in s'atretzadura de emergèntzia:

- 1) Una pila cun baterias noas (sena las inserire);
- 2) Una ràdio cun baterias noas (sena las inserire);
- 3) Unu gurteddu "multiuso";
- 4) Roba e iscarpas de ricàmbiu;
- 5) Impermeàbiles o inceradas;
- 6) Iscorta de abba potàbile;
- 7) Cosa de mandigare chi non si guastat;
- 8) Unu cuntenidore de plàstica serradu ermeticamente (a intro tocat a bi pònnere sas fotocòpias de sos documentos, eventuales meighinas, dinari contante);
- 9) Sas craes de domo;
- 10) Paberi e pinna.



A pustis de un'aundamentu:

- 1) Non bufes abba si non ti narant chi est torra potàbile;
- 2) In antis de impreare aparèchios elètricos faghe-los bìdere dae unu chi bi nde cumprendet;
- 3) Sàmuna e disinfeta totu sos logos a in ue est imbàtida s'abba.

